

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ**

14 մայիսի 2026 թ.

N 175-Ա

Ո Ր Ո Շ ՈՒ Մ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ԺՈՂՈՎԻ 2026 ԹՎԱԿԱՆԻ
ՀՈՒՆԻՍԻ 7-Ի ՀԵՐԹԱԿԱՆ ԸՆՏՐՈՒԹՅՈՒՆՆԵՐԻՆ ՄԱՍՆԱԿՑՈՂ ՄԱՍՆԱԿՑՈՂ
«ՀԱՆՈՒՆ ՀԱՆՐԱՊԵՏՈՒԹՅԱՆ ԺՈՂՈՎՐԴԱՎԱՐՈՒԹՅԱՆ ՊԱՇՏՊԱՆՆԵՐԻ
ԴԱՇԻՆՔ» ԿՈՒՍԱԿՑՈՒԹՅԱՆ ԸՆՏՐԱԿԱՆ ՑՈՒՑԱԿՈՒՄ ԸՆԴԳՐԿՎԱԾ
ՊԱՏՊԱՄԱՎՈՐԻ ԹԵԿՆԱԾՈՒ ՎԱՐԴԱՆ ԱՆԴՐԱՆԻԿԻ ՄԱԼԽԱՍՅԱՆԻ
ԻՆՔՆԱԲԱՑԱՐԿԻ ՄԱՍԻՆ ԴԻՄՈՒՄԸ ՄԵՐԺԵԼՈՒ ՄԱՍԻՆ**

«Հանուն Հանրապետության ժողովրդավարության պաշտպանների դաշինք» կուսակցության ընտրական ցուցակում ընդգրկված պատգամավորի թեկնածու Վարդան Անդրանիկի Մալխասյանի 2026 թվականի մայիսի 12-ին ներկայացրել է ինքնաբացարկի մասին դիմում:

«Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքի (այսուհետ նաև՝ Ընտրական օրենսգիրք) 90-րդ հոդվածի 3-րդ մասի համաձայն՝ «Պատգամավորի թեկնածուները քվեարկության օրվանից ոչ ուշ, քան 10 օր առաջ՝ մինչև ժամը 18.00-ն, ինչպես նաև քվեարկության օրվանից հետո՝ դիմում ներկայացնելու դեպքում իրավունք ունեն հանելու իրենց թեկնածությունը: Ինքնաբացարկի մասին դիմումը վավերացվում է նոտարական կարգով, կամ թեկնածուն ինքնաբացարկի մասին իր դիմումը հաստատում է Կենտրոնական ընտրական հանձնաժողովի նիստում:

Պատգամավորի թեկնածուի կողմից ինքնաբացարկի մասին դիմում ներկայացվելու դեպքում թեկնածուն հանվում է կուսակցության (կուսակցությունների դաշինքի) ընտրական ցուցակից:»:

«Հանուն Հանրապետության ժողովրդավարության պաշտպանների դաշինք» կուսակցության ընտրական ցուցակում ընդգրկված պատգամավորի թեկնածու Վարդան Անդրանիկի Մալխասյանի 2026 թվականի մայիսի 12-ի ինքնաբացարկի մասին դիմումը նոտարական կարգով վավերացված չէ:

Կենտրոնական ընտրական հանձնաժողովի 14.05.2026թ. նիստի մասին Վարդան Անդրանիկի Մալխասյանի պատշաճ իրազեկվել:

Կենտրոնական ընտրական հանձնաժողովի 14.05.2026թ. նիստին Վարդան Անդրանիկի Մալխասյանի չի ներկայացել:

Վերոգրյալը հիմք ընդունելով և ղեկավարվելով Ընտրական օրենսգրքի 90-րդ հոդվածի 3-րդ մասով՝ Հայաստանի Հանրապետության կենտրոնական ընտրական հանձնաժողովը

Ո Ր Ո Շ ՈՒ Մ Է.

1. Հայաստանի Հանրապետության Ազգային ժողովի 2026 թվականի հունիսի 7-ի հերթական ընտրություններին մասնակցող «Հանուն Հանրապետության ժողովրդավարության պաշտպանների դաշինք» կուսակցության ընտրական ցուցակում (10-րդ հերթական համար) ընդգրկված պատգամավորի թեկնածու Վարդան Անդրանիկի Մալխասյանի ինքնաբացարկի մասին դիմումը մերժել:

2. Սույն որոշումն ուժի մեջ է մտնում նիստում հրապարակվելու պահից:

3. Սույն որոշումը կարող է բողոքարկվել Հայաստանի Հանրապետության վարչական դատարան:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ
ՀԱՆՁՆԱԺՈՂՈՎԻ ՆԱԽԱԳԱՀ**

Վ. ՀՈՎԱԿԻՄՅԱՆ

2026 թվականի մայիսի 14
ք. Երևան